

Universitätsbibliothek Paderborn

**Divus Sebastianus Eberspergæ Boiorum Propitius, Seu
Cultus Eiusdem Gloriosi Martyris à Prima Loci Fundatione
Ad Nostra Usque Tempora Propagatus, Et Nunc Publicæ
Luci Datus**

Widl, Adam

Monachij

§. VI. An D. Sebastianus, quando Martyr occubuit, Juvenis, vel senex
fuerit?

urn:nbn:de:hbz:466:1-37233

60 An S. Sebastianus, juvenis

tinuatus ille ad hæc usque tempora
salutaris mos etiamnum in sanitatem
corporum & animorū scaturire
desinit: quem salutis scyphum dum
omnibus D. Sebastiani cultoribus
huc invisentibus ex animo propino
eundem adjecto cælestis virtutis
augurio mirum quantum proficer
jubeo.

§. VI.

AN D. SEBASTIANUS,
QUANDO MARTYR OCCUL
BIT, JUVENIS, VEL SENEX
FUERIT?

C Oronidem Synopsi nostræ impono non inutili quæstione ad D. Sebastianum spectante: Nam loco Epiphonematis pia curiositas esto, quæ suum quoque in animis hominum aculeum & fructum habet. Quæritur, Sebastianus qualis fuerit, Juvenisne, an provectionis jam ætatis, cum illustre Martyrium subiit?

Quæ

S. Sebastianus
senex
potius quam
Juvenis.

vel senex Martyr occubuerit? 61

Quæ pictorum, atque Poëtarum
licentia non data, sed usurpata est,
plerique de Apellis tribu ac schola
Sebastianum Juvenem, imberbem
ut cùnque pingunt. Contrarium
omnino suadet tum ratio ipsa, quæ
regula est rerum incertarum, tum
etiam luculenta multorum testi-
monia, etiam suo ære digna.

Non videtur in primis Diocletia-
nus Imperator Juvenem aliquem
per incredibilem honoris saltum
custodiæ corporis sui, primæque
cohortis Ducem creatureus fuisse,
sed potius virum jam grandævum,
qui & consilio valeret, & cum au-
toritate milites in officio continere
sciret. Quis autem nescit, despica-
biles juvenes esse paucorum speci-
minum? Quis nescit, ad honorata
officia, in bello præsertim, per gra-
dus, & scalam illustrium facinorum
ascendi, apud Romanos, cultissi-
mum populum & Reipublicæ sci-
entissimum, qui olim non favoribus,
sed

Probatur
Rationibus.

R

sed magnis meritis, consilio, prudenter, pugno ac fortitudini omnia tribuerunt? Quis dein credat, Sebastianum in tanta apud Christianos auctoritate eâ tempestate futurum, ut passim nomine Patris appellaretur, imberbem etiamnum Juvenem? Quis sibi persuadeat, Cajum Romanum Pontificem, virum gravissimum, in tanto delectu præclarissimorum Heroum, gloriosum Titulum *Defensoris Ecclesie* Juveni Sebastiano daturum fuisse? Quis cogitet Sebastianum in aditu juventutis tantas opes collecturum fuisse, ut integras Christianorum familias ad ultimam pauperiem redactas alere, plurimos alias facultatibus suis juvare potuerit? Cetera omitto; quia in qua^{et}ione facti, ut ajunt, minus operet esse verbosum, aut prolixum. Potius ergo cum præclarissimi virorum insigniū testimoniis sentiendum censeo, quam cum pictoribus, quo-
rum

vel senex Martyr occubuerit? 63

rum artem & penicillum veneror,
sententiam verò liberè excogita-
tam non probo, nec sequor.

Cæsar Baronius à Bollando in
Actis Sanctorum XX. Januarii in
vita S. Sebastiani allegatus refert,
in Ecclesia S. Petri ad Vincula Ro-
mæ antiquissimam S. Sebastiani
imaginem extare, quæ ipsum ut
senem repræsentat. Verba ipsius
recitemus: *Egregium, inquit, S.*
Martyris monumentum, veneranda
ejus imago opere Musivo expressa, at-
que hactenus integra exstat senili aspe-
ctu, & barbâ: quod pictores admo-
neat, qui juvenem illum palo alliga-
tum perperam pingunt. hæc ille.
Ignoscendum tamen ejusmodi ar-
tificibus cen' eo: nam per juveni-
les vires & solidum corporis robur
fortè aliud penicillo insinuare non
volunt, quàm fortitudinem animi,
& incredibilem Herois magnani-
mitatem, præsertim cùm ipsemec
Sebastianus Ostraldo Lugdunensi

Epi-

*Probatur
Authoritate
& Testimo-
niorum.*

64 An S. Sebast. juvenis vel senex &c.
Episcopo in visione nocturna spe-
ciosi Juvenis figurâ olim apparue-
rit, uti Bollandus meminit, qui lo-
co citato videri poterit. Sed de
his satis: Neque enim cum picto-
ribus, quorum penicillum liberum
est, litem suscipimus, sed quod ve-
rosimilius est, ostendimus. in re-
bus dubiis & incertis suum cuiq;
pulchrum esto.

